

FRAMKVÆMDARÁKVÖRÐUN FRAMKVÆMDASTJÓRNARINNAR

2014/EES/67/116

frá 10. apríl 2012

um að heimila aðildarríkjum að framlengja bráðabirgðaleyfi sem voru veitt fyrir nýju, virku efnunum amísúlbrómi, klórantranilípróli, meptyldínókapí, pínoxadeni, silfurþíósúlfati og tembótríoni

(tilkynnt með númeri C(2012) 2259)

(2012/191/ESB) (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 91/414/EBE frá 15. júlí 1991 um markaðssetningu plöntuvarnarefna ⁽¹⁾, einkum fjórðu undirgrein 1. mgr. 8. gr.,

með hliðsjón af reglugerð Evrópuþingsins og ráðsins (EB) nr. 1107/2009 frá 21. október 2009 um setningu plöntuverndarvara á markað og um niðurfellingu á tilskipunum ráðsins 79/117/EBE og 91/414/EBE ⁽²⁾, einkum a-lið 1. mgr. 80. gr.,

og að teknu tilliti til eftirfarandi:

- 1) Í samræmi við a-lið 1. mgr. 80. gr. reglugerðar (EB) nr. 1107/2009 skal tilskipun 91/414/EBE gilda áfram um virk efni sem ákvörðun hefur verið samþykkt um í samræmi við 3. mgr. 6. gr. tilskipunar 91/414/EBE fyrir 14. júní 2011.
- 2) Í samræmi við 2. mgr. 6. gr. tilskipunar 91/414/EBE barst yfirvöldum í Bretlandi umsókn frá Nissan Chemical Europe SARL í mars 2006 um færslu virka efnisins amísúlbróms á skrá í I. viðauka við tilskipun 91/414/EBE. Staðfest var með ákvörðun framkvæmdastjórnarinnar 2007/669/EB ⁽³⁾ að málsskjölin væru fullnægjandi og að þau uppfylltu í aðalatriðum gagna- og upplýsingakröfurnar í II. og III. viðauka við tilskipunina.
- 3) Í samræmi við 2. mgr. 6. gr. tilskipunar 91/414/EBE barst yfirvöldum í Írlandi umsókn frá DuPont International Operations SARL í febrúar 2007 um færslu virka efnisins klórantranilípróls á skrá í I. viðauka við tilskipun 91/414/EBE. Staðfest var með ákvörðun framkvæmdastjórnarinnar 2007/560/EB ⁽⁴⁾ að málsskjölin væru fullnægjandi og að þau uppfylltu í aðalatriðum gagna- og upplýsingakröfurnar í II. og III. viðauka við tilskipunina.

(*) Þessi EB-gerð birtist í Stjttíð. ESB L 102, 12.4.2012, bls. 15. Hennar var getið í ákvörðun sameiginlegu EES-nefndarinnar nr. 206/2014 frá 30. september 2014 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, bíður birtingar.

⁽¹⁾ Stjttíð. EB L 230, 19.8.1991, bls. 1.

⁽²⁾ Stjttíð. ESB L 309, 24.11.2009, bls. 1.

⁽³⁾ Stjttíð. ESB L 274, 18.10.2007, bls. 15.

⁽⁴⁾ Stjttíð. ESB L 213, 15.8.2007, bls. 29.

- 4) Í samræmi við 2. mgr. 6. gr. tilskipunar 91/414/EBE barst yfirvöldum í Bretlandi umsókn frá Dow Agrosciences í ágúst 2005 um færslu virka efnisins meptyldínóskaps á skrá í I. viðauka við tilskipun 91/414/EBE. Staðfest var með ákvörðun framkvæmdastjórnarinnar 2006/589/EB ⁽⁵⁾ að málsskjölin væru fullnægjandi og að þau uppfylltu í aðalatriðum gagna- og upplýsingakröfurnar í II. og III. viðauka við tilskipunina.

- 5) Í samræmi við 2. mgr. 6. gr. tilskipunar 91/414/EBE barst yfirvöldum í Bretlandi umsókn frá Syngenta Ltd í mars 2004 um færslu virka efnisins pínoxadens á skrá í I. viðauka við tilskipun 91/414/EBE. Staðfest var með ákvörðun framkvæmdastjórnarinnar 2005/459/EB ⁽⁶⁾ að málsskjölin væru fullnægjandi og að þau uppfylltu í aðalatriðum gagna- og upplýsingakröfurnar í II. og III. viðauka við tilskipunina.

- 6) Í samræmi við 2. mgr. 6. gr. tilskipunar 91/414/EBE barst yfirvöldum í Hollandi umsókn frá Enhold BV í janúar 2003 um færslu virka efnisins silfurþíósúlfats á skrá í I. viðauka við tilskipun 91/414/EBE. Staðfest var með ákvörðun framkvæmdastjórnarinnar 2003/850/EB ⁽⁷⁾ að málsskjölin væru fullnægjandi og að þau uppfylltu í aðalatriðum gagna- og upplýsingakröfurnar í II. og III. viðauka við tilskipunina.

- 7) Í samræmi við 2. mgr. 6. gr. tilskipunar 91/414/EBE barst yfirvöldum í Austurríki umsókn frá Bayer CropScience AG í nóvember 2005 um færslu virka efnisins tembótríons á skrá í I. viðauka við tilskipun 91/414/EBE. Staðfest var með ákvörðun framkvæmdastjórnarinnar 2006/586/EB ⁽⁸⁾ að málsskjölin væru fullnægjandi og að þau uppfylltu í aðalatriðum gagna- og upplýsingakröfurnar í II. og III. viðauka við tilskipunina.

- 8) Staðfesting á heilleika málsskjálanna var nauðsynleg til hægt væri að framkvæma nákvæma athugun á þeim og gera aðildarríkjunum kleift að veita bráðabirgðaleyfi í allt að þrjú ár fyrir plöntuverndarvörum sem innihalda viðkomandi virk efni en uppfylla jafnframt skilyrðin sem

⁽⁵⁾ Stjttíð. ESB L 240, 2.9.2006, bls. 9.

⁽⁶⁾ Stjttíð. ESB L 160, 23.6.2005, bls. 32.

⁽⁷⁾ Stjttíð. ESB L 322, 9.12.2003, bls. 28.

⁽⁸⁾ Stjttíð. ESB L 236, 31.8.2006, bls. 31.

mælt er fyrir um í 1. mgr. 8. gr. tilskipunar 91/414/EBE og einkum skilyrðin varðandi ítarlegt mat á virka efninu og plöntuverndarvörum í ljósi krafanna sem mælt er fyrir um í þeirri tilskipun.

- 9) Áhrif þessara virku efna á heilbrigði manna og umhverfið hafa verið metin, í samræmi við ákvæði 2. og 4. mgr. 6. gr. tilskipunar 91/414/EBE, með tilliti til þeirrar notkunar sem umsækjendurnir fyrirhuga. Skýrslugjafaraðildarríkin lögðu fyrir framkvæmdastjórnina viðkomandi drög að matsskýrslum 15. júlí 2008 (amísúlbróm), 11. febrúar 2009 (klórántranilípról), 25. október 2006 (meptyldínókap), 30. nóvember 2005 (pínoxaden), 9. nóvember 2005 (silfurþíósúlfat) og 2. febrúar 2007 (tembótríón).
- 10) Eftir að skýrslugjafaraðildarríkin lögðu fram drögin að matsskýrslunum hefur komið í ljós að nauðsynlegt er að óska eftir frekari upplýsingum frá umsækjendunum og láta skýrslugjafaraðildarríkin athuga þessar upplýsingar og leggja fram mat. Athuginin á málsskjölunum er því enn í gangi og ekki verður hægt að ljúka matinu innan þess tímaramma sem kveðið er á um í tilskipun 91/414/EBE, með hliðsjón af ákvörðunum framkvæmdastjórnarinnar 2010/353/ESB ⁽⁹⁾ (amísúlbróm, klórántranilípról, meptyldínókap og pínoxaden) og 2010/149/ESB ⁽¹⁰⁾ (silfurþíósúlfat og tembótríón).
- 11) Þar sem ekkert hefur komið fram í matinu fram að þessu sem gefur tilefni til áhyggna þegar í stað ættu aðildarríki að eiga möguleika á því að framlengja bráðabirgðaleyfi, sem veitt hafa verið fyrir plöntuverndarvörum sem innihalda viðkomandi virk efni, um 24 mánuði í samræmi við ákvæði 8. gr. tilskipunar 91/414/EBE til að hægt sé að halda áfram athugininni á málsskjölunum. Búist

er við því að matið og ákvarðanatökufærið að því er varðar ákvörðun um hugsanlegt samþykki í samræmi við 2. mgr. 13. gr. reglugerðar (EB) nr. 1107/2009 fyrir amísúlbrómi, klórántranilípróli, meptyldínókapi, pínoxadeni, silfurþíósúlfati og tembótríóni verði lokið innan 24 mánaða.

- 12) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um matvælaferlið og heilbrigði dýra.

SAMÞYKKT ÁKVÖRDUN ÞESSA:

1. gr.

Aðildarríkjum er heimilt að framlengja bráðabirgðaleyfi fyrir plöntuverndarvörum sem innihalda amísúlbróm, klórántranilípról, meptyldínókap, pínoxaden, silfurþíósúlfat eða tembótríón um tímabil sem lýkur eigi síðar en 31. maí 2014.

2. gr.

Ákvörðun þessi falli úr gildi 31. maí 2014.

3. gr.

Ákvörðun þessari er beint til aðildarríkjanna.

Gjört í Brussel 10. apríl 2012.

Fyrir hönd framkvæmdastjórnarinnar,

John DALLI

framkvæmdastjóri.

⁽⁹⁾ Stjrtð. ESB L 160, 26.6.2010, bls. 26.

⁽¹⁰⁾ Stjrtð. ESB L 60, 10.3.2010, bls. 24.